

鄉型志卷九

有一人焉其道德足爲人所欽佩其品格足爲人所敬仰居一國而爲一國所矜式居一鄉而爲一鄉之模型生前取重於一時至歿後猶傳於百世而不朽者此道德品格何如哉宜其模範一鄉之人而使之改惡爲善化莠爲良也其利益不亦深且大乎於是述鄉型志第九

曲允中 字海瀾不知爲何籍人自前清光緒二十三年遷入西豐者也生而穎異賦性剛強勇於負責勤於任事事父母以孝著處兄弟以弟稱教子以慈處事以忠臨財以廉從無苟取猶復尙道德重公益誠以待物信以待人故處骨肉鄉里之間曾不能

西豐縣志

卷九 鄉型

一

西豐國興印刷局校印

少有薄德寡恩之處且心地磊落舉止大方儼然霽月光風青天白日此公之仁德表見於外者也當光緒二十三年西豐放荒公不憚跋涉衝風冒雪而來領中地百二十畝由是一家得免饑寒年三十六歲時入奉天全省地方自治研究所畢業後復考入法政校外生三年卒業嗣於光緒三十四年十一月充開通縣選舉調查員在事出力蒙賞給奉天諮議局籌辦處最優等銀質獎章一枚於宣統元年充西豐自治研究所講員於二年二月升本所所長兼自治事務所籌畫員於三年一月改充本縣第五鄉議事會議員六月蒙 知縣鹿賞給防疫案內出力獎勵書一份七月又爲縣議會議員於民國元年五月充臨時省議會議員於二年

二月又充西豐游民習藝所長五月轉充警察教練所講員於三年六月調委本縣南路賑濟水災監視員七月改委警察所司法兼衛生股員於五年六月兼辦清丈局事宜旋充清理珠湖地土訟案委員八月復任西豐電話局長於六年十月蒙 奉天全省清鄉總局督辦王聘爲總局諮議於七年八月被選爲省議會議員於八年八月轉充西豐防疫事務所長著有勞績蒙 省長賞給省製一等金色獎牌一座旋奉省公署委託會同候補縣知事李景洛調查鐵法開三縣財政是年兼充奉天救濟旱災協會總務部幹事於十二年五月又蒙 省長委爲西豐四區區長廉正自持頗博區民之仰望遂送德被桑梓公正無私匾額二方及

西豐縣志

卷九 鄉型

二

西豐國興印刷局校印

清廉可風德洽豐南匾額二方於十五年七月轉充第七次區村制調查員兼白契專員十二月移充教練分所教務主任於十六年八月充本所衛生股員十一月奉奉天省議會委爲會計課主任於十八年九月蒙 遼北荒務局總辦張委充荒務局會計員至大同二年五月復蒙 西豐縣長委爲游民習藝所長兼辦貧民收容所事宜總計公於十七歲由商業而至宦途以及於終中間任職五十餘年無不勤勉奉公廉潔自守一襟明月兩袖清風此公之大節固昭然可見者也至道德高尚品格端純處家庭則孝友可風對鄉里則任卹可法忠信是尙道義是崇雖婦孺無知亦無不聞而感泣者也嗚呼若公洵可以風矣

龍寶泰 原籍海城縣人後遷本邑四區房木鎮現年九十一歲幼稟至性事父母以孝聞當二老晚年病篤則願以身代生子三人皆教以農商事業崇尚勤儉不事侈華子孫綿延今已五世同堂蓋已爲社會古今所稀有者耄耋之年孫曾繞膝人間之樂事盡於此矣觀其杖履優游閒行村鎮遇青年子弟必忠告以善道凡父慈子孝兄友弟恭皆歷歷講明藉以挽回世俗之彫敝鄉鄰有鬪者則必盡心排解戚族有爭者則必量力解和若貧老無依廢疾無告流離失所困難非常無不設法維持俾免凍餒交友有傾囊之義待物有好生之仁行誼可風宜其齒德兼隆爲鄉邦之矜式即端風化正人心振頹風挽敝俗者舍此老其誰與歸